

文

286.22


16



集思

適

三



Faint vertical text in the background, possibly bleed-through from the reverse side of the page.

道光己酉十月
上海徐氏校刊

嘉慶辛酉儀徵相國撫浙延元和顧君澗菴及武進
臧君拜經錢唐何君夢華同輯十三經校勘記寓武
林之紫陽別墅余始與顧君訂交自時厥後於邗江
於金陵於吳門時復相見三十餘年中聚散不常蹤
跡若疏若密迨余移家來吳則君歸道山數載矣君
學問淵深辨證精博校刻各書如黃氏之周禮儀禮
國語戰國策易林孫氏之唐律疏義抱朴子古文苑
吳氏之韓非子列子胡氏之通鑑文選張氏之撫本
禮記秦氏之駱賓王李元賓呂衡州諸集皆精審不
苟舉世珍若珙璧獨文彙未嘗流播無繇得見道光

丙午始就其孫瑞清訪得之亟爲編排卷帙寫錄清
本仍以原槁歸諸瑞清俾世守弗失屢約同人謀壽
之梨棗尅有應者己酉初夏上海徐紫珊寓書於余
慨然請任剞劂之事古誼肫然求之近世殆未易多
邁感歎者久之乃校訂誤字以授梓人始事於閏四
月葺工於十一月合詩詞賦雜文總十八卷生平校
讎之學之深備見集中惜儀徵相國客冬騎箕天上
不及見是集之成爲可痛耳尙有許氏說文攷異有
待參訂未能並刻瑞清克守家學異日必將悉登諸
板以永厥傳是則余所厚望也夫

道光二十九年己酉冬十一月海甯楊文蓀序

顧君墓志銘

李兆洛撰



鄭漁仲輯藝文略始附以按讐之名然其所言按讐之事惟編纂類例搜求亡書不啻灌灌則尙是目錄家也無與按讐事劉向別傳曰按讐者一人持本一人讀析若怨家相對故曰讐向於奉詔按理者必補其缺脫正其訛謬而條上之如以見爲典以陶爲陰甚者閏月爲門五日三豕爲已亥之類以後相承如潁容向朗鄭默唐則褚元量顏師古皆其選也然皆按正其字形而已繼乃有按者荒陋不守闕如之戒妄緣疑而致誤至剗肉而成瘡至有謬稱皇考妄易

銀根者本初無誤按乃致誤此自書有刊本輕加雌黃倘經三刻而古人之真盡失矣此亭林先生羅列改書之弊以爲後戒者也後來諸儒如惠氏半農戴氏東原從而張之故三本朝讀書士共守此訓不敢妄改而讐按之事確然有所守故所刊書籍賢於前代遠甚至乾隆中極盛矣上自鉅卿名儒下逮博士學究無不通知此義一時如抱經學士懷祖觀察父子竹汀詹事無不兼擅其長而元和顧澗蘋學博尤魁傑者也先生名廣圻字千里以字行號澗蘋陳黃門侍郎野王之三十五世孫也曾祖沛祖松父文燧

俱業醫世爲吳人少孤多病枕上未嘗廢書人咸異之年十二隨舅氏鄭源濤侍御于京師弱冠南回從張白華先生遊館於程氏程富於藏書先生徧覽之學者稱萬卷書生焉不事科舉業年三十始補博士弟子員縣府試皆冠其曹繼從江艮庭先生遊得惠氏遺學因盡通經學小學之義嘗論經學云漢人治經最重師法古文今文其說各異混而一之則膠轕不勝矣論小學云說文一書不過爲六書指示發凡原非字義盡於此欲取漢人經注作假借長編而未屬稿先生從兄之達字抱冲亦邃於學而多藏宋本

元本書先生一一訂正之刻列女傳以傳當是時孫淵如觀察張古愚太守黃蕘圃孝廉胡果泉中丞秦敦夫太史吳山尊學士皆深於校讐之學無不推重先生延之刻書爲孫刻宋本說文古文苑唐律疏議爲張刻撫州本禮記嚴州本單疏本儀禮鹽鐵論爲黃刻國語國策爲胡刻宋本文選元本通鑑爲秦刻揚子法言駱賓王集呂衡州集爲吳刻晏子韓非子每一書刻竟綜其所正定者爲考異或爲校勘記於後學者讀之益欽嚮爲漢學者往往不平宋儒而訾警之先生獨服膺焉徧讀先儒語錄摘其切近者爲

遜翁苦口一卷以教學者胷中博綜而能識之無遺每論議滔滔不竭而是非所在持之甚力無所瞻狗家故貧常以爲人校刻博精以食雖往來皆名公卿未嘗有以自潤晚得類中症臥牀第者五年道光十五年二月十九日卒年七十

兆洛

以道光二年客授

揚州先生時館洪賓華家爲汪孟慈校刻其尊人廣陵通典所居相近故得朝夕握手焉向聞先生與金門學使懋堂大令以言語牴牾竊疑其盛氣難近及見之進退粥粥詞色嫵煦知先生徒以慤愿自守而狹中護前者不能無所忤也先生嘗從容論古書訛

舛處細若毛髮夢如亂絲一經剖析割然心開而目
明歎先生慧業一時無匹惜未及隨時鈔錄取爲學
者導師嗚呼今則往矣配韓氏卒於道光十五年八
月十九日年七十子四鎬餘殤孫四瑞清字河之從
余遊女四鈕寶順沈秉錕程雲燦張定海其壻也將
以 年 月 日合葬於一雲山祖塋之旁河之
請爲之銘先生所著多零星河之能守護之者銘曰
先生之學惟無自欺以誠而明不爲書欺惟無自欺
亦無書欺存其真面以傳來茲不爲書欺書無能欺
屏絕附會定其然疑書以益人通知古今登之梨棗

以無沈淪人以益書與稽與居非今欺今永無模糊
惟其不欺是以不苟安得古書盡經君手凡立言者
藉君不朽書有朽時先生不朽

思適齋集目錄

卷一 賦

百宋一廬賦 黃丕烈注

卷二 賦 詩

對床風雨圖賦

五硯樓賦

和彭甘亭贈句

附原詩

彭兆蓀

陳仲魚孝廉索賦經函詩率成廿韻

次韻答夏孝廉詞仲

附原詩

夏寶晉

次韻答郭頻伽

郭麐

附原詩

郭麐

得子實書却寄

立秋日集白公祠為山尊學士作

題戈小蓮紅袖添香夜讀書卷子廿六韻

題匪石履二齋聯吟卷用其所分明月幾時有

五韻各賦一章

題江韜庵小像

題貝簡香千墨龕圖廿韻

投壺夜飲圖廿四韻

題陳小雲香畹樓憶語

汪紫珊太守碧梧山館圖

汪月樵小詩龕看菊分體廿韻

採芝圖

庚午十月喜子絜子實至即送其回南昌作

復翁詩一首卅六韻

琴南大兄見寄七言一首久病未和今次韻奉

卷三呈詩

題小維摩詩稿十韻

題千墨庵重摹七姬志石刻

卷三 詩

蔣伯生入關圖 卜言一首 八錄未味今大贈奉

題天涯芳艸圖送行

為王簣山觀察題畫 實至唯表其回南昌

夏紫仲竹巷舊居圖

題南陽諸葛廬圖 漢衣豔甘肅

士禮居祭書分賦 山治圖

張古餘先生賦詩見寄依體敬酬時道光丁亥

對六月之望 廿四賦

附原詩二首

張敦仁

虎邱倉頡廟

金陵懷古

方葆巖制軍青溪放棹圖

快雪時晴消寒雅集分得九青韻即呈月樵先

生正句六

錢唐屠孟昭太守同客邗江索贈

小除日從故紙中得某人竹影詩七律一首次

韻戲作

為瞿木夫題水闌訪刻圖冊

桃花庵觀荷分韻得五微

題江秬香新甫得碑圖次原韻

有感日涉苑中蘇某人於漫齋十首一首

重有感五明太守同客汗山索韻

紉之以釋六舟所寄唐盧元輔天竺寺詩韻屬

次時枕上有感因走筆率成一首呈日謝

送瞿鏡濤三首對效

孫武私印為淵如觀察作三首

題圓圓小像

王蓬心山水小幀為楊補凡作

侯青甫畫竹及秋海棠各題二十八字

題品梅圖

走札索魚鬆於月樵三兄承即見惠率成廿八

字為謝

題吳餘山小梅花庵圖

題秦澹生太史棲碧詞二首蘇以詩

題吳靜軒奚囊得句照

陳小雲蕪城餞別圖

松蔭讀書圖為洪銘之題圖風

題張樂讌賓圖所畫為孫淵翁在畢秋帆幕中

事時淵翁沒已九年矣餘亦在畢好州幕中

毛叔美慶善以紅豆書樓圖屬篆冊首復系絕

句博粲

題袁君綬階味書圖小像

贈木夫仙臺通寶錢一枚并綴以詩

題敦翁梵寄圖二首

輓趙大令北嵐

題葛蓮青小照二首三只是始長惠率與廿八

卷四 詞

天香藥銚

水龍吟紅蕙

摸魚子萍

齊天樂笛

桂枝香蟬

附和作五首

儀克中

臺城路李子仙有門人畫金閨曉月便面屬為

浪淘沙為龔定庵賦葉小鸞眉子研定庵時方

又席上限韻同楊芸士作

虞美人張髮仙將之江右出示虹橋泛月圖求

又謝文節遺琴今藏浙中吳氏

淒涼犯

銷寒集賦寒林

唐多令

和江鄭堂韻

小重山

江鄭堂持畫蟬柳扇索題於時秋也即景賦之

柳梢青

為金篋伯題雙紅豆圖

齊天樂

題汪紫珊太守西園話別圖卷

百字令

用東坡韻題張子實孝廉蕭詩讀書圖

又

吳思亭索題竹垞圖阮雲翁所贈也幅中近日名公鉅作已多遂專取此意賦而應之並

次原韻

又

題吳思亭太白樓詩卷

蝶戀花

宋于庭揚州詞意圖

月下笛

過袁綬階舊居有感同戈順卿賦

踏莎行

無題

詠春光

題奉華亭四兄即以為壽時道光丙戌

卜算子

嘉平初吉調出鳳林書院元詞題采芝圖遺照為金相堂作

大江東去

用東坡韻賦黃蕘圃移居圖

卷五 記

解

思適寓齋圖自記

與古樓記

洗桐軒圖記

松陵四君畫像記

珠湖漁隱圖記

遊虎邱山記

再遊虎邱山記

刻華仙元化畫像記 黃國珍注

重葺五烈祠記

惠松崖先生四世畫像記

漆沙硯記

雅頌各得其所解

卷六 書

與段大令論椒聊經傳書

荅張子絜問讀毛詩注疏書

與吳春齋書

與阮雲臺制府書

與趙味辛論韓詩外傳誤字書

與鄧溥泉書

與劉金門宮保書

與吳山尊學士書

與孫淵如觀察論九卷本古文苑書

卷七 序一

重刻宋本儀禮疏序

又後序本集韻疏序

重刻儀禮注疏序

撫本禮記鄭注考異序本古文苑書

又後序學士書

校定尚書考異序

釋名略例

補刊集韻序補刊本韻略字書

校刊明道本韋氏解國語札記序

重刻剡川姚氏本戰國策并札記序

又後序

卷八 序二

汪本隸釋刊誤序

又後序

又後序

重刻奉天錄序卷八

校刊華陽國志序

校刊輿地碑記目序錄

唐律疏義後序卷八

重刻宋元檢驗三錄後序

重刊宋本名臣言行錄序

又後序本各四言言證序

卷九 宋序三 魏三 魏對序

重刻治平監本揚子法言并音義序

重刻鹽鐵論并考證序

又後序

重刻晏子春秋後序

韓非子識誤序

又後序

抱朴子外篇序

重刻古列女傳序

列女傳攷證序

刻焦氏易林序

又序

又後序

廣黃帝本行記序

軒轅黃帝傳序

卷十 宋序四 本古文藝序

數書九章序

隋李播天文大象賦後序

重刻宋本雞峯普濟方序

又序宋本

重刻宋淳熙本文選序

文選考異序

卷 重刻宋九卷本古文苑序

駱賓王文集考異序

呂衡州文集序

又後序

新刊李元賓集後序

重刻古今說海序

卷十一 序五

逸周書補注序

蔡氏月令序

刻釋拜序

廣復古編序

通鑑刊誤補正序

廣陵通典序

人壽金鑑序

遜翁苦口序

徐公漱坡孝行錄序

卷開方補記後序

卷十二 蘇序六

知不足齋叢書序

張月霄書目序

藝芸書舍宋元本書目序

石研齋書目序

古甄錄序

彭甘亭全集序

半樹齋文集序

江鄭堂詩序

春草堂詩題詞

何寓庸所作願君步巖小傳後序

附原傳

何堂

卷十三 序七

詞學叢書序

嚴小秋詞序

吳中七家詞序

戈順卿填詞圖序

詞林正韻序

四春詞序

西園感舊圖序

閉門研思圖序

瓊堂讀書圖序

老復丁庵圖序

百花庵圖序

卷十四 題跋一

合刻儀禮注疏跋

書撫州公使庫禮記釋文後

禮記考異跋

重刻吳元恭本爾雅跋

書周漪塘所藏毛斧季手校本說文後

書正德乙亥抄本博雅後

附原跋

急就篇跋

書宋槧廣韻後

書元槧廣韻後

題鈔本集古文韻

書影宋本國語後

影鈔安氏本戰國策跋

書元板胡三省注通鑑第八十卷後

題宋嚴州小字本通鑑紀事本末

宋本名臣碑傳琬琰集跋

吳越春秋跋

洛陽伽藍記跋

書季滄葦藏宋本輿地廣記後

書朱竹垞藏宋本輿地廣記後

雲間志跋

太常因革禮跋

影元槧鈔本元朝秘史跋

書律十二卷音義一卷後

卷十五 題跋二

宋本荀子跋

宋本淮南鴻烈解跋

宋板外臺秘要方跋

衢本郡齋讀書志考辨跋

古刻叢鈔跋四首

書清河書畫舫後

示兒編跋四首

長短經跋二首

書文苑英華辨證後

題金陵瑣事

張燕公集跋

王摩詰集跋

張曲江集跋

李太白集跋

明抄殘本李元賓集跋

歐陽行周集跋二首

讒書跋

一鳴集跋

附原跋

笠澤叢書跋二首

孫可之集跋

唐文粹跋

嘉祐集跋

周益文忠公文集跋

姜白石集跋

書尚書撰異君奭後

書毛詩訓詁傳定本後二首

書段氏注說文後

書募李處士遷瑩文啟後

跋徐俟齋與楊潛夫札子

題江良庭先師遺札冊後

卷十六碑跋

跋石鼓文

跋焦山鼎銘

跋祀三公山碑

跋元延二年銅尺拓本

跋重鑄天祿辟邪字

跋蜀師甄文

跋漢永壽榿為李君摩崖刻字

跋新刻漢石經殘字

跋谷朗碑

跋李苞通閣道題名

跋脩佛龕頌二首

跋唐殘碑

跋萬年宮銘

跋碑陰二首

跋唐平百濟國碑

跋龍龕道場銘二首

跋鄭仁愷碑補金石萃編六十八卷作

跋唐碑三種

跋王慶墓誌銘

跋乙速孤行儼碑

跋道安碑

跋神寶寺碑

跋馮鳳翼等造象題名

跋內侍省功德碑

跋任令則神道碑

跋元林禪師碑

跋崑臺銘

跋三墳記

跋貞一先生廟碣

跋碑陰

跋溫佶碑

跋二體石經周禮

跋葉紉之金石拓本冊

苔葉紉之論廣惠廟碑書

附

卷十七 策問 壽序 碑文 硯銘

策問四首

屠母楊太淑人七十壽序

硯銘九首

卷十八 墓誌銘 碣記 哀詞 事略

安徽布政使降補刑部福建司郎中世襲一等

輕車都尉蔣公墓誌銘

孝子弋君之銘

增貢生漱坡徐君墓誌銘

誥封朝議大夫即用訓導芑堂程君墓誌銘

程養廬元配陸宜人墓誌銘

江都秦太史姬人端木氏墓誌銘

先考碣陰記

汪容甫哀詞

金湘溪事略

思適齋集卷一

元和顧千里澗蘋原名廣圻

賦

百宋一廛賦

子以嘉慶壬戌遷居縣橋構專室貯所有宋槧本書名之日百宋一廛請居士撰此賦既成輒為之下注多陳宋槧之源流遂略鴻文之詁訓博雅君子幸無譏焉

吳縣黃丕烈注

佞宋主人

佞宋出述古堂書目序子恒引為竊比故居士設此名也

搜求經籍鳩

集藝文深識妙覽博學瞻聞折肱既更醉心有在東

都託始南渡斷代排比百種標榜一廛

此讀依徐仙民周禮音

傳之好事詫為極觀乃有暝行闌子

寓言也

踵廛而諄

諸日蓋吾聞善讀者之於書也并包自古貫穿及今
 琢璞任手握珠委心祛鏗舟於來編悟斲輪於往牒
 敏超閱肆識週亡篋縱有隋唐卷軸漢魏油素尙將
 規檢迴沅刊落抵牾是知惡札非苦俗本何病值擿
 獲佳遭鉛斯正且夫相變者勢遞運者時殺簡忽其
 告謝鏤版道以方滋而乃峻立哇眇強分堂室豈貴
 遠而賤近抑噉名而吐實辱在下風惑此莫釋敢效
 其愚高明盍擇主人造然未有以云也時則思適居
 士存焉居士姓顧名廣圻元和縣學生喜校書皆有
 依據絕無鑿空其持論謂凡天下書皆當以
 不校校之深有取於邢子才思將盱衡而誥爰有睟
 誤書更是一適語以之自號云

其容曰异乎客真所謂夏蟲難與語冰枯柏之鼠不
 知堂密有美樅也郭注爾雅引尸子在昔校領者依
 此文枯本作松

中寫定者据故徐遵明之所往讀杜伯山之所愛護
 用以發其深思於焉遂其好古自曩哲而固然非僂
 指之勝數夫宋也者濬摹印之重源延轉錄之一脈
 孳長興以萌芽拓顯德而增益貽後留真晞先襲迹

及靈光之猶存舍司南其安適此四韻實顯宋槧之
 體用也夫書之言宋

槧猶導河言積石也上言之則東漢一字羣經魏三
 字羣經并典論鐫勒於石此一源也下言之則唐元
 和壁經析堅木負墉而比之製如版積此又一源也
 自是至于後唐長興九經刻版周顯德經典釋文雕
 印既省傳寫之勞兼視豐碑為便人事所趨勢固宜
 爾於是終始宋代官私所造遍於四部玉海及馬氏

經籍考等詳其事焉就中即有利病究之上承轉錄此其嫡脈故曰貽於後而留其真以踰於先而襲其迹也及今遠者千年近者猶數百年所存乃當日千百之一二耳幸而得之以校後本其有未經改竄者鮮矣夫君子不空作必有依據宋槧者亦讀書之依據也故比之以司南謂指南之車韓子書為此稱矣奈何謾訛正以同歸昧精濫之殊致觸手斷鎮庫之珍瞥目乏驚人之秘耳域陬食心安陋肆指趣已爽涉獵皆盍今將究深情宣至理勘利病讐臧否申長見於主人啟未聞於吾子則有舉此明後皆陳一塵云其餘又姬公禮經六籍冠冕高密家法傳注之選有義皆同厄繇難讀文禡句揃不覩嚴州絕學曷顯忠甫所載則符節必合開成所勒則矩矱未偪嚴州本儀禮鄭氏注十七卷每

半葉十四行每行大廿五字小卅字不等居士嘗跋其後云張忠甫校儀禮有監巾箱杭嚴凡四本今所存識誤稱嚴本者十許條以此驗之無一不合其為嚴本決然矣云云亭林顧氏言十三經中儀禮脫誤尤多士昏禮脫堦授緩云云一節十四字賴有長安石經據補而其注疏遂亡又言鄉射脫士鹿中云云七字士虞脫哭止云云七字特牲脫舉禘者祭云云十一字少牢脫以授尸云云七字以爲此秦火之未亡而亡於監刻今考嚴本則各條固儼然具存也其餘補正注文者尤不可枚舉居士嘗采入所撰思適齋筆記後經史子三部宏文學士悉情裁疏陳李聞古書亦多有所采也

人紛紜失路官本復出景德旦暮列卷五十面目呈

露標經題注乃完乃具尋馬序於通考豁長夜而重

曙景德官本儀禮疏五十卷每半葉十五行每行廿七字每卷題唐朝散大夫行太學博士宏文館學士臣賈公彥等撰悉情裁疏者公彥等序中語也陳陳鳳梧李元陽聞人聞人詮散疏入注而注之分

卷遂為疏之分卷又去疏所標經文起止蓋出於陳鳳梧明正德時事也而聞人詮李元陽因之萬厯監本汲古毛氏本又轉轉因之於是而馬氏經籍考所載儀禮疏五十卷又載其先公序曰得景德中官本儀禮疏四帙正經注語皆標起止而疏文列其下者舉世無復識其面目者矣先公貴與父名廷鸞今與其所得者正同末後名銜盈幅案之玉海悉符故事居士屢誇此書在宋槧中為奇中之奇寶中之寶莫與比倫者也唯第三十二至第三十七凡缺六卷僅從魏了翁要義中粗識其大略耳亦有周禮一官春秋泰半懽許劍之待懸帳籛金之莫換

字本周禮鄭氏注秋官二卷每半葉八行每行大十六字小廿一字舊許贈居士從兄抱冲道人之達未及而道入歿矣殘相臺岳氏本春秋經傳杜氏集解行字之數與覆本同所存一至六又十五至十八又二十三至二十六又二十九三十凡十六卷得三十卷之泰半也同縣袁廷壽壽皆甫亦有殘本而未能取之以月令第六昭公廿年玩索有得丹鉛所傳未相補

耕上曲死而賜諡隻字能排百朋奚啻

殘大字本禮記鄭氏注每

半葉十行每行大十八字小廿五字不等所存五至八又十一至十五僅九卷予跋之云月令注未耕之上曲也他本耕皆誤為耜賴此正之可知其佳也殘小字本春秋經傳杜氏集解每半葉十四行每行大廿三字小廿三字所存前後凡二十三卷又殘中字本每半葉八行每行十七字所存前後凡十八卷若以兩本相補唯少第十四卷耳其昭公廿年兩有與閻百詩何義門所說死而賜諡皆合但未知當日所見為穀梁附音之制爾雅單義之式先聲孕南支流何本

殿北監本附音春秋穀梁傳注疏二十卷每半葉十行每行大十八字小廿三字官本爾雅疏十卷每半葉十五行每行大十八字小廿三字言此穀梁既并注疏又附釋文其制與明南監所貯十行版大段悉同是孕其先聲爾雅則邢義單行舊式猶在雖疏家支流實為北宋之殿也居士前在阮中丞元十三經局立議言北宋本必經注自經注疏晁公武趙希弁陳振孫岳又其後始有附釋音注疏晁公武趙希弁陳振孫岳

珂王應麟馬端臨諸君以宋人言宋事條理脈絡粲然可尋而日本山井鼎左傳考文所載紹興辛亥三山黃唐跋禮記語尤為確證安得有北宋初刻禮記注疏及淳化刻春秋左傳注疏事乎今此賦所云即平昔議說文解字始一終亥無手迹於邵陵有舊觀論也

於東海隘林宗之重寫郵斧季之輕改收儲則一夔

已誇著述則三豕猶采小字本說文解字十五卷中

每行大十八字大小廿五字不等嘗別見國初葉林

宗奕所藏僅從此刻傳寫者耳近青浦王司寇昶家

乃有之極加寶貴幾流一足之譽也常熟毛氏初刊

頗與相近後經斧季辰節次校改而大徐氏之舊觀

漸以盡失金壇段茂堂先生玉裁來寓吳中遂有汲

古閣說文訂之作宋本之妙固已洗剔一新即遇其

誤亦必反覆推尋不加遽斥夫以海內通儒談其專

業猶且伏膺鄭重鉛槧疲勞者如此然則有何末學

置喙地哉客曰今之說文皆許慎手迹乎事見南唐

顏氏家訓人不通古今而好為議論類如是耳

繫傳難弟楚金漣漫俄傾點竄侵尋碩果之辨不食

字林起寒山以把臂咨靈威以賞音殘本說文繫傳

行大十四字小廿二字所存起通釋之第三十至末

几十一卷寒山趙頤光家舊物也此書尤延之呂太

史李巽巖皆言其斷爛闕誤時距小徐未為遠故日

俄傾也今款人有刊行之者正文尙脫落數百字又

經不學之徒以大徐本點竄殆遍真有不如不刻之

歎予得此本當即困學紀聞所云今浙東所刊得於

石林葉氏蘇魏公本者也非猶不食之碩果乎殘本

故云辨辨古辨字小學類故云字林耳予又有虞山

錢楚殷家所鈔完本鈕君樹玉曾借去校讀擊節浩

不置使槧本而完當復何如也鈕君家洞庭山浩

泚乙部遵犖三家冒戒傷廉所取太奢此言史漢國

之最而尙必取宋本漢書特善清祕留將是日景祐

焉故云傷於廉也

憂乎弗亡余丞之上言觀洙之參詳僕嘗目驗若毛

若汪削長決贅補乙彌創招小宋以研精當悔下其

雌黃每之罔而愈況胡項背之敢望景祐二年本漢書一百卷每半

葉十行每行大十九字小廿七字末列秘書丞余靖

上言又張觀王洙皆預參詳中也每卷上下方皆有

朱校字最後復有墨書二行云右宋景文公以諸本

參校手所是正並附古注之末至正癸丑三月十二

日雲林倪瓚在疑香閣謹閱居士會為予細校汲古

本而予以汪文盛本佐證之凡於二本所削所補各

千百字推原其故景文之是正已屬有失無得烏論

後此者乃遞經大書深刻悉溷班書可不謂至誣乎

唯此本未經淆亂誠宜壓卷史部也之罔元劉之罔

其所刻流俗輒目為佳故居士偶涉之耳乙者以鉤

識去其字招舉良史實錄藉用識蜀乃本古以愜心

也讀如翹闕

復字大以悅目蜀大字本史記集解一百三十三卷每

半葉九行每行大十六字小廿字所

缺舊鈔補足又殘本僅有西南夷至汲鄭五列傳考

汲古閣秘本日有蜀本大字史記云有缺未知與此

何如孤行吳志數冊仍六舉承祚之一隅反少期之

也全局單行本吳志二十卷每半葉十四行每行廿五

字冠裴松之上三國志注表於首其下即接吳

末凡八卷每半葉十行每行十八字目錄後題云建安劉元起刊于家塾之敬室乃南宋精雕也此一書三刻而殘本共五緬劉昫之撰唐時罔新而邪舊緣歐宋以

易稱幾不察於相狃驟開卷而知益杖紹興之教授

殘本劉昫等唐書每半葉十四行每行廿五字僅存

志十一至十四廿一至廿五廿八至卅列傳十五至

廿八卅八至四十七五十五至六十七七十八至八十三

一百十五至一百四十九一百二十九至一百卅四一

百四十下至一百四十四上凡六十七卷有零每卷

未有題名云左奉議郎充紹興府學教授朱倬校

正又有校勘人題名四行文繁不錄予跋之曰標題

云唐書者昫等撰時本然蓋歐宋新唐書未盛行之

先無舊稱也覆本在明嘉靖莆田編年始末九朝流

時不特多誤抑神氣索然矣莆田編年始末九朝流

傳寓內夥矣胥鈔皆日升而綱降閔實混而名消快

拜嘉於一諾飫良友之淳醪遜廿五以居乙引積薪

而解嘲莆田陳均皇朝編年備要三十卷每半葉八

二格又殘本皇朝編年綱目備要每半葉八行每行

大十六字小廿四字列目止於廿五卷後別為一行

云已後五卷見成出售今於廿五卷中又缺其五所

存者凡二十卷而已二本版刻不同皆宋精雕今世

通行傳鈔改大小字而一之又不復知其有綱目之

畷城舊氏書公者錢竹汀

先生也

葉王西莊有通鑑釋文鈔本以畷城舊氏蓋謂西莊竹汀先生蓋與復翁甚密當不吝一教也

豕頭史昭通鑑釋文三十卷每半葉十二行每行大

思道齋書集卷二

七

系聯永樂大典證明匪全奪胎肖貌簡或閒編潛采

自鄧洵無譏焉陳騷中興館閣錄十卷續錄十卷每

書錄解題云續錄者後人因舊文增附之也錄缺沿

革一門續錄缺廩錄乃毛氏影鈔大典已如此矣居士

也然宋本誤裝續錄卷第七提舉編脩國朝會要一

葉及提舉秘書省提綱史事二葉上入錄之七卷中

而影鈔者竟改填板心字為中興館閣錄云云以實

之非見此本無由覆正也此外此所見鈔本更非

毛比矣故曰竹垞潛采堂以下等諸自鄧焉東家

雜記去聖雖遠杏壇三成堯顙親展愈求野於禮失

慨并官之久舛會叔節之書丹諗耶邑以數典孔傳

雜記二卷每半葉十行每行十八字首列杏壇圖說

詳讀書敏求記壇三重也遵王家所鈔今在抱冲道

人小讀書堆而余所得未知即葉九來宋槧否中載

聖妃氏曰并官錢少詹大昕有言以韓勅碑考之字

本是并而今作开即聖裔有不知其誤者此尚未論

故居士以為豈非劉子駿所謂不猶愈於野者也

子政列女深父發矇頌後有贊遂等俄空割資研之

和壁競南城之楚弓惜畫像之終佚進補亡於屏風

建安余氏勤有堂本古列女傳七卷續一卷每傳有

圖傳在圖之左右及下方行字之數不畫一此書是

王回深父據頌所定於是而顏黃門以為後人所屬

者始別在續內矣子初見此書從抱冲道人許有國

風之亡乎乃意不之許也畫歷代紀年十得其九白

序紹興今也烏有順理懸解陳錄乃剖也是疎略難

復辭咎殘本晁公邁歷代紀年卷二至十所缺第一

其自為序當紹興七年今未見以此序在首而亦缺

也此即述古堂舊物而敏求記但言紹興壬子樂清

包履常為之錄木以傳不及自土風清嘉維桑與梓

樂圃先生石湖居士圖經續前郡志肇始必文足以

能徵寧疵列之徒恃幸宋子之導先喜葉公之見埃

汰懸磬之秕糠洗汲古之泥滓紹興甲寅本朱長文

吳郡圖經續記三卷每半葉九行每行十八字中間缺葉錢磬室手鈔補

足首有楷字長方印其文曰葉文莊公家世藏紹定

本范成大吳郡志五十卷每半葉九行每行大小十

入字述古堂舊物也圖經續記磬室會刊行志則汲

古閣刻之予最先得太倉宋賓王蔚如所校志知毛

据殘宋本開雕故如牧守題名脫落特多餘亦每與

此不合乃懸磬室中親藏宋槧圖經何誤外亦臨安

復不少耶明代刻本其不足徒恃有如此者

百卷分豆剖瓜海鹽嘗熟蒼萃竹垞墜簡十七或亡

或賒不邁神膠詎容足蛇殘本潛說友咸淳臨安志

行每行大小廿字又鈔補者十卷曝書亭集跋此書

日子從海鹽胡氏嘗熟毛氏先後得宋槧本八十卷

又借鈔一十三卷其七卷終闕焉今予所得較多宋

錢少詹大昕論此日宋人州志多用郡名標題其說
是矣初書賈某甲業於杭之城隍山收雜志書數百
種以帳寄示續志在焉子遂探得之每以波斯識寶
自衍然圖經殘本首三卷近在某乙許因居奇差池
亦用為歎每展此書輒復姚校短長抽其端緒懸諸
紫抱居士其知予心哉
國門不朽盛舉永續命於剡川厚釋誣於雅兩方綴
學之共仰良無煩乎覲縷剡川姚氏本戰國策三十
三卷每半葉十一行每行
二十字其注之所校又雙行分系於注下所謂注中
有注者也癸亥年予影摹重刊又以至正乙巳吳師
道本互勘為之札記詳列異同凡三卷於是而盧雅
兩本竄入鮑彪所改及加字并抹除者各條始不復
相牽溷矣此書與予庚申年刊蘭陵老師舊監經營
明道本影鈔國語皆頗行於世
唐棐台庫瞠其先鳴擴紀聞之同異訂軒輊而為平
懲餘姚之匍匐循故步乎熙寧熙寧本荀子二十卷
每半葉八行每行大

十六字小廿四字困學紀聞云勸學篇青出之藍作
青取之於藍聖心循焉作備焉玉在山而木潤作草
木潤君子如嚮矣作知響矣賦篇請占之五泰作五
帝監本未必是建本未必非餘不勝紀又云下監本
乃唐與政台州所棐熙寧舊本亦未為善當俟詳考
此本之末有呂夏卿重校王子詔同校題名即熙寧
舊本也建本與元纂圖互注者頗近明世德堂本又
從之出餘姚盧學士文韶合校諸本撰定開雕曾見
從此影鈔者而引之居士細加覆審其所沿革往往
可議故步一失無所持循凡合校之弊必至於此矣
新序經進年月具官庚寅焚如歷劫偏完裨益是正
奚止一端髯兮侈富於茲寒酸新序十卷每半葉十
一行每行廿字每卷
首題陽朔元年二月癸卯護左都水使者光祿大夫
臣劉向上第一卷後有國初人跋云舊本新序說苑
卷首開列陽朔鴻嘉△年△月具官臣劉向上一行
此古人脩書經進之體式今本先將此行削去云云
本紅豆舊物也後入延令書目可知未遭庚寅之炬
子嘗校之一過每與居士商推如戰國策札記所載

桃仁字之屬取資宏多矣陽山顧大有所藏亦宋槧後歸蔣辛齋氏賜書樓之書散出于嘗見之其刻差後遂多錯誤然則此真北宋槧也昔何義門手校據彼而未之有此故言何所見他宋槧極多而於茲有所不逮矣何用一授老則漢時結草注莊則晉代懸小方章其文日髯

河易州深刻而齊軌貴少吳縣大書而合轍美多

建安

虞氏本道德經二卷每半葉十行每行大小廿字不等河上公章句也予跋之曰如春登臺尚未誤倒與唐開元易州石刻合因知其佳也南宋本南華真經十卷每半葉十行每行十八字郭象注也以經典釋文標舉之大字證之合者

居多矣吳縣謂陸元朗者 冲虛錯互舉世相仍處度

敬順糾纏淄澠劃然分判使我伏膺吳都注後藐藐

眇明 冲虛至德真經列子張湛處度注八卷每半葉十二行每行二十五字今世所行明世德堂本

注與唐當塗縣丞殷敬順釋文合并不復可以識別盧學士羣書拾補以意分之不若此本未附釋文尤

為確然而無誤也卷第五五山始峙而不動一句俗本皆脫而不動三字居士舉劉淵林吳都賦注有之以相證謂列子善本無踰此今考玉海載祥符四年官校列子事殆其時之本歟居士嘗為余言殷敬順釋文乃宋道士碧虛子陳景元依託高解鴻烈蓋云今賦文仍云敬順者不遽改舊稱也

善哉向貴蘆泉頓成陪臺憤道藏之贗鼎每張目而

一欵將高郵以助予臨欲借而遲回 小字本淮南鴻烈解二十卷

每半葉十二行每行大二十二字小廿五字棟亭曹氏舊物也相傳惠松厓絕稱明蘆泉劉績補注本惠嘗見宋本者也其實劉出於正統十年道藏不如宋槧遠甚近有妄庸人取道藏以己意塗竄增刪又多造童牛角馬之字移易舊文刻板印行不知者遂日道藏為真如此其貽誤何可勝言耶高郵王庶子引之方事重校會枉札相訊居士與黃門家訓篇廿卷王不相知而頗諷予借與之也

七欣遇考證檢度繕密縮述古而稍布窘邊幅之小

失恢逸聞於書院喟共山其無匹淳熙台州公庫本

半葉十二行每行十八字後附嘉興沈揆考證一卷

凡三冊每冊首尾有省齋一印共山書院一印省齋

未詳共山書院有藏書目錄柳待制為之序稱汲郡

張公不詳其姓名延祐三年參議中書省錢少詹大所

補元史藝文志載之者也又每冊首尾紙背有一長

方鈐記云國子監崇文閣官書借讀者必須愛護損

壞闕失典掌者不許收受皆逸聞也末有何義門跋

云此書為沈虞卿所刊虞卿紹熙中嘗以中大夫秘

閣修撰知吾郡見范志牧守題名又云虞卿自號欣

遇見楊廷秀朝天集近長塘鮑氏已用述古堂影鈔

本刊入知不足齋叢書第十一集然倦翁愧郊亦叢

就其叢書為大小邊幅失之窘矣

長塘導源夢羽功歸濫觴岳珂愧郊錄十五卷每半

十一凡四卷皆鈔補餘尚有楊氏夢羽一印光遠鑑

葉即鮑氏叢書底本也有楊氏夢羽一印光遠鑑

戒鄉為不腆流丹青而質實睽雲煙之過眼小字重

何光遠鑑誠錄十卷每半葉十五行每行廿四字出

項氏天籟閣經阮亭竹垞諸老手題初居士從徐七

來家廉值得之旋為其友程子世銓奪去鮑綠飲時

尚未與居士相識從程借鈔近亦刻入叢書其跋絕

揮塵結銜朝請明清認諱圖畫添序茅亭津逮率爾

革祕之名釋文瑩重雕改正湘山野錄三卷續一卷

至中卷二十三葉止凡四十七葉餘五十三葉元人

補鈔有跋云至正十九年六月十九日覽訖殘本揮

塵後錄所存僅第一第二兩卷三錄三卷全每半葉

十一行每行廿字卷首題朝請大夫主管台州崇道

觀汝陰王明清一行臨安府陳道人書籍舖刊行本

郭若虛圖畫見聞志六卷每半葉十一行每行廿字

遇宋諱皆闕筆翻本不如是矣黃休復茅亭客話十

卷每半葉九行每行十八字末有石京後序一篇以

思齋齋集卷二

七

上四種皆經汲古毛氏列入津逮中然湘山野錄芥
季重用前本手勘者今亦在予家錯誤無慮數十百
處也其餘大率類是故居士以醫藥方論載網載羅
為秘書之名即革之斯可矣

乾道傷寒淳熙產科專門疇覺違計其他李樾傷寒
每半葉九行每行十六字末葉有二行云右傷寒要
旨一卷藥方一卷乾道辛卯歲刻于姑孰郡齋此書

載書錄解題陳氏曰皆不外仲景也朱端章衛生家
寶產科備要八卷每半葉九行每行十五字末卷有

三行云長樂朱端章以所藏諸家產科經驗方編成
八卷刻板南康郡齋淳熙甲辰歲十二月初十日錢

遵王言其首列借地禁草禁水三法活人問答之叢
今罕有行之者亦罕有知之者矣

殘事親圖說之戢香得十便於大衍貴千金於備急
窺秘要於鄴臺僉有潘之可拾

九字所存十至十二凡三卷書錄解題云南陽活人
書十八卷朝奉郎直秘閣吳興朱肱翼中撰以張仲

景傷寒方論各依類聚為之問答也晁氏讀書志云
二十卷今未知孰是殘本張從正儒門事親所存二

十一葉自撮要至扁華訣凡七目有毛子晉印章汲
古閣秘本日宋板醫家圖說一本即此也殘本十便

良方每半葉十三行每行廿二字所存十一至十七
又廿一至廿三凡十卷其目尚存蓋本四十一卷

四之一耳其序乃鈔補稱附益紹熙孫稽仲所集大
衍方果得其便凡十焉末署慶元乙卯十月二十四

日汾陽博濟堂書作者姓名未詳孫名紹遠大衍方
載書錄解題殘本新雕孫真一人千金方每半葉十

行每行廿四字不等所存一錢述古鈔本千金備急
二校之一至末凡二十卷以錢述古鈔本千金備急

有貴千金思邈自序語也殘本外臺秘要方每半葉
十三行每行廿四字所存但目錄及第廿二卷耳近

聞居士為陽城張古餘先生敦仁以廉值獲泰半部
心馳神往於一見矣以上五書皆缺損已甚故等之

於拾瀋拾瀋字本出左氏傳而此所用意有小異也
籠經史與百氏羌更僕而未殫苟泛言以及集又文

思適齋集卷之二

三

三

海而詩山此二韻為下文其爾其陶誠實世籤題元

筆規往之外几塵屢拂陶淵明集十卷每半葉十行

云與世本實然不同如桃花源記中聞之欣然規往

今時本誤作親謬甚他如此類甚多籤題係元人筆

不敢易去云云即此本也最後附會絃說一首云親

友范元義寄示義陽太守公所開陶集末署宣和六

年是北宋槩矣宋宣獻言校書如拂翰林歌詩古香

几上塵旋拂旋生即此說中語也

溢紙濡染亂真對此色死元豐三年臨川晏氏本李

數與康熙中繆氏覆本同繆嘗九家杜注寶慶漕錢

用以亂真然特不可以對此耳

自有連城蝕甚勿嫌葉九行每行十六字所存五十

五葉即寶慶乙酉曾靈子肅重摹淳熙成都本刊于

南海之漕臺者也敏求記稱其開板宏爽刻鏤精工

洵然惜缺損已甚耳自有王沿表進移氣麻沙秀句

連城者斷章於遺山詩

半雨夙假齒牙王右丞文集十卷每半葉十一行每

搜求其兄詩筆隨表奉進此刻是麻沙宋板送梓州

李使君詩亦作山中一半雨樹杪萬重泉云云皆見

敏求孟出史院謹脫覆瓿抉剔其妙辰翁却走孟浩

集三卷每半葉十二行每行廿一字有翰林國史院

官書楷字鈐記嘉定瞿中溶鏡濤甫見之曰此元時

印也存於今者僅矣懂僅同字予以校元刻須溪先

輩陳少章氏先已著有韓集點勘也又張古餘先生
向得殘本今年春會許與南宋殘本九章及張邱建
孫子筭經一併脫手見贈介居士及袁壽皆甫易校
予新得殘本太平御覽助孫淵如先生星衍付刻於
山東後經某人甚之不廬山長慶見取六丁金華太
果某人者予舊學徒也
史獨著精靈 殘本白氏文集每半葉十一行每行廿
十四又五十五至五十八凡十七卷長慶集北宋時
鏤諸版所謂廬山本者庚寅一炬種子斷絕唯此金
華宋氏景濂所藏小宋版圖記宛然古香可愛推
希世珍矣事詳敏求記其所數存卷有誤今正之
客碑文受教名儒以石攻錯乍彰其瑜 殘本劉夢得
十二行每行廿一字所存一至四而已曩者錢少詹
大所借讀明刻完本劉集於予手校袁州萍鄉縣楊
岐山故廣禪師碑文疏於別紙云石刻與刻本不同
者二十餘字多五十餘字今宋本雖未能盡爾然與
明刻異者必 五言長城未隳文房雜著附見知勝建
與石刻同

昌 殘本劉文房文集每半葉十二行每行廿一字所
存五至十凡六卷書錄解題云劉隨州集唐隨州
刺史宣城劉長卿文房撰詩九卷末一卷雜著數篇
而已建昌本十卷別一卷為雜著予別藏臨何義門
校即據建昌本以相 次道序後貞曜增重彼哉玩物
覆勘知此為勝也

廁諸骨董 小字本孟東野詩集十卷每半葉十一行
每行十六字北宋槧也

宋敏求後序及本傳貞曜先生墓誌各一首曾藏於
延令季氏亦入傳是樓益疊為真賞家所重矣又有

安麓村一印 敬輿中書文饒一品事涉經濟不厭其
安賣骨董者

審 殘小字本陸宣公奏草五六兩卷又中書奏議五
六兩卷每半葉十二行每行廿二字汲古閣舊物

也 殘本會昌一品制集每半葉十三行每行廿二字
所存一至十凡十卷此二種予悉嘗用以手勘他本

語人云不敢因其缺損已甚而忽之豈 胡曾咏史廣
特佞宋亦以重二公也今為賦所取

陵贖餘米評陳注興歎翳如 注胡曾詠史詩三卷每
半葉十一行每行大廿

二小廿七字延令季氏舊物也首題前進士胡曾著
述并序邵陽叟陳蓋注詩京兆郡米崇吉評注并續
歸余也詩凡一百五十首起烏江終滎陽

觀睦親之坊唐求味江山人幼微咸宜女郎昭諫甲

乙用晦丁卯泊朱慶餘一一妍好唐山人詩一卷女

甲乙集十卷許丁卯集二卷朱慶餘集一卷每半葉

十行每行十八字皆臨安府棚北大街睦親坊南陳

宅書籍舖印行所若乃觀温國於徐盧箴傳家之膏

謂書棚本是也温國文正司馬公文集八十卷每半葉十二行每

盲行廿字首為劉嶠序次為進司馬温公文集表表

第一葉間有朱書一行云洪武丁巳秋八月收鈔以

小方章一文云徐達左印又大方章一文云松雲道

人徐良夫藏書卷第八十後副葉有墨書三行云國

初吳儒徐松雲先生收藏温公集八十卷缺九卷雍

謹鈔補以為完書云宏治乙丑秋九月望日石湖盧

雍謹記予得之以嘉慶丁巳暇日偶校舊鈔傳家集

觸處見誤近刻復何足道耶書眠石林之奏議鬱剝

之可稱祖本者唯此種是矣

落而生芒葉夢得石林奏議十五卷每半葉十行每

署開禧丙寅六月既望姪孫朝奉大夫改差權知台

州軍州兼管內勸農事借紫箋謹書此書陳直齋著

於錄近汲古閣秘本日載影宋精鈔此較神子適之

勝之矣居士頗惜其紙板有剝落處也

渭南叶告夢之殊祥渭南文集五十卷每半葉十行
定十有三年十一月壬寅幼子承事郎知建康府溧
陽縣主管勸農公事子適謹書此是家刻故游字皆
去末筆白堤錢聽默書賈之多聞者也語子曰相傳
庚寅一炬之先放翁示夢於汲古主人曰有渭南文
集一部在某所可往借之遂免於厄噫文人結習撫
有如是一哉通體完好中有闕葉錢叔寶手鈔補足
劍南以作貳俾搢連之就匡殘本新刊劍南詩稿每
存一至四又八至十又十五至十七凡十卷前有淳
熙十有四年臘月幾望門人迪功郎監嚴州在城都

稅務鄭師尹序一首書錄解題云劍南詩藁二十卷
止淳熙丁未續藁六十七卷自戊申以及其終當嘉
定庚午其幼子適續刻之今經汲古毛氏一槧合刻
面目無復存焉者矣此雖殘帙猶可考其初不提連

也躋友林之逸品儷聲價於吉光史彌寧友林乙稿

每行十六字子又有覆本行字相同潛孽堂題跋稱

在都門所見即覆本耳真本流麗娟秀兼饒古雅之

趣在宋槧中別有風神未容後來摹倣也予跋之目

為逸品又考趙希弁讀書附志云友林詩藁二卷有

黃景說曾丰序今詩既一卷裂梁溪之卅八孰斯文

又無此序佚其甲稿無疑矣

之可喪殘本梁溪文集每半葉九行每行廿字凡三

雍正己酉下榻衍聖公之九如堂詢知梁溪文集為

舊族高陽相公持去高陽諱爵越十餘年過上谷所

屬之地高陽府第半屬荒基而是集猶在因以歷歲

所餘館穀與之而是集始得返趙云云觀此可知其

珍重也然實經割移卷第而跋未知之今予就版心

字跡釐正焉古律詩九十兩卷為第十三十四表割

卅二為第六十二至七十一又五十三至六十為第九

十一至九十八又六十二為第一百迂論四為第一

百四十八又九十九兩卷為第一百五十三一百五十

四題跋上中下為第一一百六十一至一百六十三書

錄解題云百二十卷趙希弁讀書附志云百六十三卷

此卽百七證擊壤於泰興殘本伊川擊壤集每半葉

十卷之本四卷而已泰興季氏舊物也延令目云宋邵

至六凡擊壤集二十五卷卽此彼時蓋尚完然考晁陳

康節擊壤集錄護乖崖於崇陽殘本乖崖先生文集每半

魏西山先生真文忠公文集五十五卷每半葉十行
 又五十二至五十五皆鈔補而第五十一全卷盡缺
 考書錄解題經籍考皆五十八卷延令目乃云五十五
 一卷今宋槧前後凡存四十二卷而止於卷之第五
 十鈔補未知所出無以訂此也鶴山先生大全集一
 百十卷每半葉十一行每行廿字首有淳熙已酉宛
 陵吳淵序第一卷首缺損一葉又四行其第五行始
 為寄題雅州胥園云云而明邛州刻本竟以此題為
 首誤甚矣惜缺十八十九卅五至卅八四十三至四
 十六五十五至五十三七十五至七十七一百八凡十
 八卷西山與鶴山並稱洵南宋之兩大儒也予皆得
 其集之善本異三擇乎豫章殘本豫章黃先生文集
 亦足以豪矣
 字所存一至十四又十七至十九凡十七卷其第一
 卷末有山房李彤洛陽朱敦儒正是八字所存一至六
 黃先生外集每半葉九行每行十八字所存一至六
 而已第六卷末葉為書賈所去別以第十四卷末葉
 足之因此葉後亦有山房李彤云云一行自詭於全
 帙也延令書目載後集六卷殆緣是歟然其所載由

谷集三十卷則未缺今不知在何所殘本任淵山谷
 黃先生大全詩注每半葉十一行每行大廿字小廿
 四字所存卷一至十八其後皆缺每卷中復多缺葉
 末葉有粘籤一條云一本永樂二年七月二十五日
 蘇叔敬買到抱冲道人得南城廢殿本古列女傳有
 此即載於敏求記者其外未聞更見於他書也子嘗
 攜就小讀書堆驗文考信於南卿集每半葉十行每
 之字跡正出一手文考信於南卿集每半葉十行每
 行十入字所存五十八葉前有淳祐戊申大梁趙希
 至叙後有淳祐癸卯吳愈叙通體均遭割補文僅末
 半葉與前半葉和淵明詞云云初不連屬缺損已甚
 矣元書幾卷無從考見惟程史以為阮所作詩號義
 豐集刻江洋校官馮椅為之序者詞傳疑於立方殘
 有詩無文決非此本也南卿阮字詞傳疑於立方殘
 侍郎葛公歸愚集每半葉十二行每行十二字所存
 五至十三凡九卷漁洋山人易錄云宋葛立方常
 之歸愚集十卷詩四卷樂府一卷騷賦雜文一卷外
 制二卷表啟二卷今未槧無樂府一卷騷賦雜文一卷外
 精鈔宋人詞百種中有之即刻入六十卷此槧當與之
 傳鈔者取以附益耳書錄解題二十卷此槧當與之

同但不知樂府諦樂城而小字殘本樂城集每半葉
 在缺卷內否八卷後集所存九至十一行每行十八字
 所存前集共八卷後集所存九至十一行每行十八字
 刻於文中年一月官衙任意刪削殊不耐觀子別從抱
 沖道較人處見一殘册披益公而疏行每半葉十行每
 其字較大字亦未繫也披益公而疏行每半葉十行每
 行十較六字所存者為省齋文稿一至八又廿八至卅
 六平園續藁一至十五又廿七至卅又廿八至卅
 玉堂類藁六至八又十一至十三又廿八至卅
 又十至十二承明錄一至六書稿九至十一附錄五
 卷凡六十九卷疏行大字軒爽悅目予又嘗別參寥
 見歐集於某所欵式悉同此始傲彼而為之也參寥
 歸攝六之物行廿四字驗其收藏最先為蓮鬚閣舊
 物有黃子羽讀書記小印也子羽名翼攝六是其號
 此印前湘山野錄亦有之凡各書圖記唯涉賦文乃
 加詳述餘或有偶及者然多不盡也致道返淮東之
 如此書并有季滄葦徐健菴名氏章致道返淮東之
 藏北山小集四卷程俱致道撰每半葉十行每行

道六年官司簿帳其印記文可辨者曰湖州司理院
 新朱記曰湖州戶部贍軍酒庫記曰湖州監在城酒
 務朱記曰湖州司獄朱記曰烏程縣印曰歸安縣印
 日監湖州都商稅務朱記曰烏程縣印曰歸安縣印
 也紙墨古雅洵是淳熙以前物云云卷尾有黃氏淮
 東書院圖籍印未詳其為何人上句曰歸此日返者
 由吾宗以伊駢列以十數悉求是之康莊言宋集而
 取義也伊駢列以十數悉求是之康莊
 信最確不至於宣城之三謝
 假他塗也至於宣城之三謝
 字卷中有嘉泰甲子郡守譙令憲重修云云所謂宣
 城本者是也子得於蔣氏貯書樓篋亭有手記字數
 行在京兆之五竇竇氏聯珠集每半葉九行每行十
 末葉汲古閣刻其跋云康熙五年刊本也昔見何義
 門校汲古閣刻其跋云康熙五年刊本也昔見何義
 所藏宋本乃願大有舊物因改正五十餘字中行杏
 山館聽子規一篇諸本皆脫去尤可笑者和峴王崧
 二跋中今天字皆訛為大夫不通今古其陋乃至
 此耶云云今覆案之誠然其使君之才調才調集十
 聽子規詩乃竇常之末篇

十行每行十八字卷二至卷五為宋槧餘鈔補第一
 卷有季振宜藏書一印合諸延令目云才調集十卷
 四本宋本鈔衲子之宏秀殘本唐僧宏秀集每半葉
 補知其即此卷一葉又半葉敏求記載元人鈔本十
 卷并缺第一卷一葉春荷澤李龔和父編蓋完帙也唯汲
 古閣秘本目影宋板精鈔不荆公之百家
 著其完與殘未知何本耳至十一凡十一卷首
 半葉十行每行十八字所存一葉九行每行廿字所存前
 有楊蟠序商邱新刻所無餘亦相去涇庭又有分類
 宋槧殘本在洪氏之萬首葉九行每行廿字所存前
 小讀書堆後凡三十六卷而序及目錄完好無恙敏求記言目
 錄二卷七言七十五卷五言二十五卷六言一卷趙
 宦光所刊統而一之譏其好自用誠哉是言也明嘉
 靖時有覆宋本者規模未改勝趙刻遠甚然終不若
 此之唐粹則一朝文粹一百卷每半葉十五行每行
 可寶行開雕唐文粹壹部計貳拾策已委官校正訖紹興
 九年正月△日其名銜文繁不錄嘗見何義門小山

兄弟皆用此以校明刻本朱字爛然至於盈紙予近
 亦思手勘一副本而逡巡未就乃知前人用功之勤
 亦有未可宋選則眾手
 遽沒者無序目并撰錄人姓名凡選十四家歐陽永叔二卷
 司馬君實三卷范希文一卷王禹偁一卷孫明復二
 卷王介甫二卷余元度一卷曾子固二卷石守道三
 卷李邦直五卷唐子西一卷張文潛七卷黃魯直一
 卷陳瑩中一卷此書徐立齋舊物也近從武進趙司
 馬懷玉所歸於予又嘗別得殘本同此一刻缺卷七
 至十一王禹偁孫明復王介遇其全可以樂遭其缺
 甫三家他日當影鈔補足之
 可以守冶金鐵而必精流纖洪而均受言總集類八
 其書亦非一致特其餘又有朱楊之易徐解拾遺朱
 因宋槧並收也
 易學啟蒙上下卷每半葉七行每行十五字卷首自
 序一通末署雲臺真逸手記亦逸聞矣張先生校正
 楊寶學易傳二十卷每半葉十行每行廿一字張先
 生者誠齋門人張敬之顯父也前有淳熙戊申誠齋

自序及奏劄此二種宋人說經之未紅豆累跋河汾

入徐氏通志堂經解者故曰拾遺也

表微物也卷端有其二跋其一云此為宋刻善本今

世行本出安陽崔氏者經其刊定駁亂失次不復可

觀今人好以己意改竄古書雖賢者不免可嘆也其

一云云乃論王統和手鏡方遼庶幾龍龕手鑑四卷

通也茲不具錄

行大小卅字不等上聲一册汲古毛氏精鈔補足相

傳此書遼刻元名手鏡宋刻改為鑑今驗此標題是

宋而非遼矣敏求記所載與此正同乃遵王仍以契

丹鏤板說之豈因首列統和十五年丁酉七月初一

癸亥燕臺憫忠寺沙門智光字法炬序遂以為據耶

序云猶守持於鸞鏡鏡字但缺一筆而不改則又何

也四六餘話非槩猶稀葉莊四六餘話不分卷每半

楊困道深仲末題幔亭黎夢庚秀伯校正此書不見

於諸家著錄唯述古堂目有之云一卷鈔益知宋槧

之為罕一册垂丞相之型漢丞相諸葛忠武侯傳一

秘矣

字凡卅三葉為一册文三橋舊藏也此傳宋廿葉感

侍講張栻所為其詳在書錄解題傳記類

左徒之躅錢杲之離騷集傳一卷每半葉九行每行

入叢書即從此出汲古閣舊物也予得之桐鄉金主

事德輿家卷首有畫蘭一幅香草以配忠貞其斯之

歟謂蔡撮鑑而甫知文子袁氏通鑑紀事本末撮最入

字首列兩行一云建安袁樞機仲編一云建安蔡文

子行之撮各家書目所未載有昆陵周一云建安蔡文

印劉苑詩而纔聞伯玉詩苑眾芳每半葉九行每行

四家首長樂潘氏終古沐吳氏署云吳郡梅愚齋增

溪劉瑄伯玉敬編亦各家書目所未載也

注之三賦葉九行每行大十八字小冊二字不等注

中有注三賦者會稽風俗民事堂蓬萊閣也前有嘉

思道齋集卷之二

三

萊之作其注又闕然無聞由是不揆
 蕪淺輒皆為之注云云周名世則
 牘李學士新注孫尚書內簡尺牘十
 六卷每半葉十
 日後有蔡氏家塾校正六字予向有
 趙靈均用元天
 三祀開餘之月梅山蔡建侯行父謹
 證即此本之序而今失去耳元本蓋
 從之出也相
 變其從同
 殘本迂齋先生標注崇古文訣每半
 葉十
 五至末又鈔補四卷元二十卷之中
 仍少十二卷
 兩卷有一印文曰吳郡西崦朱未榮
 榮西崦各一印吾郡明初之藏書者
 也頗不經見文
 訣藉此增重矣予嘗欲搜訪藏書家
 起元明之交終
 於所聞見各撰小傳合編一集然後
 如未榮者
 或不致有名氏翳如之歎此亦好古
 者之責也
 歷要
 矜於所獨
 竹江錢少詹觀之日所引萬通百忌
 萬年
 具注集聖廣聖諸書皆選擇家言司
 天監據以鋪注
 頌朔者也劉德成方捺仲汪德昭倪
 和甫益當時術

數之士今無能舉其姓名者矣予謂
 陰陽伎術之書
 本易亡失集聖歷四卷宋楊可撰載
 晁志百忌歷二
 卷稱唐呂才撰載陳錄今皆未見此
 歷亦載陳錄云
 一卷無名氏又一本名擇日撮要歷
 大略皆同建安
 徐清波宜翁云其尊人尚書公應龍
 所輯不欲著名
 今子所得即真齋著錄之本也外間
 絕未聞有傳之
 者以及硯石南宮
 米芾硯史一卷每半葉十
 遺集之一種也錢嘗收得
 書法道人
 陳思書小史十
 完本今轉徙未詳所歸
 有行每行廿字宋槧起卷第六其以
 上毛氏鈔本補足
 忘憂清樂
 字不憂清樂集不分卷板有中下
 小數行
 譜二卷非也書錄解題云忘憂清樂
 集一卷綦待詔
 李逸民撰集即此又考讀書記中稱
 為李逸民棋
 劉仲甫編故此集首題曰前御書院
 綦待詔李逸民
 重編也上中下小數豈記劉之舊第
 耶特拈出正之
 梅花喜神
 宋伯仁梅花喜神譜不分卷自蓓蕾
 以至
 就實圖形百各系以五言斷句景定
 辛酉

金華雙桂堂重校此書亦載足本敏求記予辛酉北
 游得之琉璃廠伯仁字器之湖州人江湖小集載其
 雪岩吟草歷官事行大略可見然世之知有此人此
 書者鮮矣其初刻在嘉熙戊戌戊戌者今當不復可得
 夷堅片甲殘本夷堅支甲每半葉十二行每行廿三
 字所存一至三又七八凡五卷又殘本支
 王每半葉十行每行十八字所存三至十凡八卷支
 癸所存一至八凡八卷合兩刻僅廿一卷而已文惠
 元書共四百二十類說一鱗殘本類說每半葉十行
 卷此缺損已甚矣
 仇池筆記遜齋閒覽東軒筆錄而已序未署紹興六
 年四月望日溫陵曾慥引汲古閣秘本目云宋板類
 說真本首册即此莫不附驥而服上駟在御而充下
 也讀書志六十卷
 陳自其餘又有以下居士總無慮而筭目頗踰數而
 第其品於乙故云爾也
 多閏本通數所賦不數重嗜遑遑其靡厭挹兼箱於劣
 僅馳香嚴與芳茶思計日而取僂範居室於衛荆姑

掩萌而一慙香嚴吾友同郡周君錫瓚書屋名其家
 宋槧有殘本太平御覽等芳茶歸安嚴
 君元照之堂也君字九能居士與之稔為子言其宋
 槧儀禮要義等右皆銘心絕品為之形於夢寐者也
 居士既成此賦子旋得御覽矣又別得紹興本管子
 洪氏集驗方秦隱君詩殘本幼幼新書揮塵錄前錄
 殘小字本三蘇文粹殘本續資治通鑑節要皇朝中
 興繫年要錄節要殘本王逸注楚辭衛湜禮記集說
 錢佃本荀子注殘本資治通鑑李善注文選殘本東
 都事略史載方韓文考異李復言續幽怪錄之屬凡
 數十種倘符掩萌之頌其請居於是撰江夏之別錄
 士為後賦乎爾二百也見說文
 彙無雙而作固要擇精而語詳竭兩端於我叩推尚
 友於延令覈名實之不售置敏求以絕塵肯卑之而
 或糅子思撰所藏書錄專論各本以宋槧一元槧二
 毛鈔三舊鈔四雜舊刻五分列今宋槧粗就矣
 昔人書目未有題以宋板者有之自延令季氏始但
 其目後仍廁他刻此區區之未盡慙心者也讀書敏

求記則凡宋元鈔刻雜糅並陳又或騁其行文之且便一槩略去弗言致令不可識別尤不能無憾耳且其造部福帙福即副貳字顏氏匡謬正俗詳之矣千積萬贏甄綜近時

陶鑄元明亦嘗雲而仍之至其遐稽幽討鉅豪擣芒測量中古傳聞漢唐固已高而曾之得其大則存亡

起廢僚惑條紛炙轂賢路擁等聖門得其小則博物所效多聞攸資秘帳助談闕市立師是故上徹下通

鉅函細入交讀藏以成其善此百宋之所以莫能及

也存亡者晦而仍出也起廢者壞而復善也僚惑者疑而取決也條紛者亂而獲理也四者居宋槩之

大端矣聖賢經傳乃賴之以不墜其為用亦鉅矣哉故博物多聞猶其小者耳夫洞庭廣樂

豈齊響於鼉咬豐人杼首焉偶形於么麼狂簡不知

所裁識者燭其弗可而況顛倒白黑錯亂是非予兔

園以徇曲奪鴻寶以挾私亦猶折衡而揣輕重踣表

而儼高卑必倍勞而倍拙不足哈而足悲用是略抒

揚摧粗陳梗槩冀蘇重性之久迷請覺馳繆之常寐

倘欲極其精微窮其博大逐字洞其癥結每篇斷其

凡最鑽碎卒業竟壽畢世非僕倦談所能一二者也

居士之言未終客乃氣索神沮手頽不能畫舌強不

能語忘乎其所詰失乎其所據做罔靡徙遷延而去

於是主人曰善願因筆墨次第厥詞荅難應間終身

誦之始子請居士撰藏書賦在己未庚申間許而未為也後以今名重請迨甲子冬杪此賦方就時

居士教讀於廬州府晉江張太守所又明年乙丑春
手書其藁見寄及秋居士以將往山東應孫淵如先
生之招而歸家省母然後行適余
注賦竟遂仍相商推定之如右也

思適齋集卷一終

思適齋集卷一

賦詩

元和顧千里澗蘋

對床風雨圖賦

為錢竹汀可廬兩先生作

雅材邵穆嘉鄂鄂之物性焉微言宣父迪熙熙之士
行焉况乎絕學並劬懿德偕隆名器望等大年尊同
處後號難為之弟居先稱寡有之兄洵倫中之最樂
翳門內之至榮渺近古以求其人則惟我嘉定兩先
生也故其合志同方連棟比居殫心紬史窮年著書
聖藝之所原本雜學之所攷獻入奧必盡苞鉅靡餘

或集四部七錄而綜緯或析六書九數以杷梳或羅散佚於職官或理糾錯於方輿或軼金石於趙洪或駕輶軒於雄閭或蒼沮究其終始或彪嶠專其補苴滿家汪洋等身嶸嶸方瀆則河濟交流比嶽則華吳埒列門風仁讓家法惇慎體孫卿之慈訓協管敬之裕順儕魯毓之恭丕擬沛挺之瓞璉族黨無閒幽陬不遴人倫飲其仁聲天下遡其令休休穆穆肅肅愔愔如椒如蘭日玉日金載名特達競爽連翩詹事奏賦於壯歲徵君賁帛於耆年各登殊科均膺顯遇既邢實以搴秋亦枚輪之騁路出抗疏邴之高情處

襲荀黃之雅慤有擘文之公賞無籬庭之私懼經師參其從游人宗沓其胥附有德有齒壽世壽身寧假術於服氣祇取效於行仁聰明堅固精神蘊藏霜樅雪柏漢伏秦蒼厯年差肩開表繼踵對擗而黃髮齊垂會食而齟齬互動唐老爰慙宋英斯懜德星疊推靈光兼重則有河間雅望關內清流銜鶴書於鳳闕縮龜章於雉州隘制作於舊志規改爲於新脩慮載筆之煩蹟索名儒而諏謀下懸榻放僊舟歌適子賦來遊宓瑟助塤箎之韻潘花扶常棣之附被眠姜而拓幅屋住陸而提區資疏證以晤對佐揚推以驩虞

思適齋集卷二
二
惋宦游之昔睽懌晨夕之今俱既極致於卽事遂宣
意而成圖徵茲畫師選於衆史運靈模眞攄巧追似
色分滓垢影映華斑笑儼或莞語恍相然積讀書而
貌古含林泉而氣間旁寓興於物色遙取類於眉山
實講席所匠締非粉本所肄嫻乃有軼軻賤士蒲菰
菽生初登門而問字末與藉而執經慚懷鼠於知己
感顧馬於生平辱郵命以授簡獲肅觀於當榮進而
稱曰美哉乎斯圖觀體度之循循則如讀儒林而握
兩瑜也挹庭表之盎盎則如繙英賢而懸雙珠也窺
退中之抑抑則如披高士而彼此弗渝也望秀顛之

皤皤則如稽耆舊而先後罔殊也方將具縑素以臨
寫傳英璫而鐫勒永丹青於來襍遍黼藻於遐域貢
東杼而作寶寘都門而爲式郡惟鬢前鄉有墩側獲
標樂布型陳儀植慰奉教於稍遠引聞風於無極豈
徒載家乘而談美列名蹟而品特貽嚮趾之瞻仰增
弁麓以故實也哉

五硯樓賦

爲袁綬階作

甲子十月

楓江草堂漁隱小圃中有樓焉歲硯惟五主人延登
樓指而語厥首一枚文清宿奔泰定而還墨海幾主
長者快諾石歸青浦廉吏別傳汝南家譜以謚奇產

彭孔嘉父碎金點點比德星聚端溪潛璞堅潤罕覩
款識介隱出琢玉斧列岫陳迹謝湖荒渚各獲舊製
若奉遺槩凡此一一俱等璧珎清泉以洗漆匣以貯
敬肅而拜愛護則撫永永寶用弗墜先緒故斯樓也
羣詫勝所憑檻試望青山媚斌如挾積翠來撲牖戶
物色幻變春晴秋雨允號多景而胥無取若夫收藏
清閤之府讀畫煙雲訪碑寰宇駭彼五都浩此四部
莆田史秘君卿典鉅泰和醫經前輩所詡字美圖精
觀者舌吐補脫正訛紬之貽貯以較於硯猶未爲伍
獨錫是名含意未抒我來最頻請觀悉許及序記圖

洋洋鋪敘深情勃鬱咽而難茹衆有舟壑生世寄旅
遠不可說近事略舉絳雲如雲去隨天姥傳是何傳
錯雜榛莽有力且窮餘子况窶然而過客辦香思炷
東隣西壁屋乃藻黼究極綺麗閉置歌舞迨其俄空
速草木腐諒哉淵山詎曰小愈吳中蘭綺閱世環堵
賈落三張泊四皇甫文門弟子昆裔屠沽偉矣六駿
竟得搢拄文采風流依然繼武高懷玉朗傑思虎怒
掇抬手澤殘鱗片羽鎮之以硯列城不數類乎范喬
願終付與巋然者樓峙於水滸履滿名公車停勝侶
椽筆特署揭之檇栢恒在人口六幕周溥感夫清芬

欲下延佇爲之稱曰樓之美兮美吾土硯之珍兮珍
以祖硯或穿兮樓或沮佳名垂兮萬萬古

和彭甘亭贈句

洙泗列四科游夏爲文學遙遙二千載屢絕仍屢續
近葉生亭林天使先知覺疾呼扶微言痛心憫末俗
吾道期起廢斯人免沈陸嗟予逾壯齒遺書始得讀
雲霧祛障翳歧旁止躊躇未能有一體敢遽稱私淑
庶幾綿蕞力密沒激揚勳乃今多嵬瑣視昔尤勸曲
服鄭被擣摺班荀遭割剝六書與九數貴耳而賤目
不落則著作有集成欲速載道化異物言志競流毒

春華秋實間涵涵合一族幾乎古典型破壞不可復
何爲使之然厥疾膏肓篤奴主互紛貶歸致特利祿
懸金瞰國門抵掌鑽華屋假道資巧取筆硯以衒儻
習非旣勝是詭詭拒忠告投石竟斂手拯溺枉濡足
客歲交彭君耕野獲結綠潛心閱雙鬢文選理精熟
博瞻涉墳素武庫便便腹卓犖吐詞賦羣言受約束
壯采麗如春虛懷謙若谷時時勞諏詢一一累往復
奚殊太原人大雅接所獨竭來貺長篇光燄絳霄燭
抨彈到汝曹連拄折其角披覽意乍快數四色轉蹙
昨聞論撰述絕重日知錄於中具鈐鍵爲此樹正鵠

器識士所先下者咸趨起生材必有用區別譬草木
六經待鼓吹胡然薄雕琢盍奮間氣雄便振積衰局
敷條發詩葩立幹堅書樸重令文泊儒衆輻輳其轂
登高據壇宇風移杖陶育泥塗跡偶屈亦日星河嶽
徵信仁人言貽孫君子穀千秋值夔野聆音辨清濁
彼哉當世名彌榮或彌辱倘張拔幟軍我願執鞭僕
雲龍相上下驅使堪追逐作頌幸永懷取義清風穆

古詩一首贈顧澗蘋

彭兆蓀 甘亭

中壘條九流諸子繼六籍子衰別集興藝文志繁
蹟詩賦分五家宗派傳古昔說亡日猶存原委略

能繹就中馬與揚摘辭乃極則相如著凡將詰訓
事詮釋子雲本經師油素賚四尺寧惟才鱗斌要
本學宏碩卽如班論都蘭臺擅史職平子研京手
元象精究測文外各有事往典具可覈源積流斯
長所吐視所食是以詞章貴足參經訓席自從軫
材多鹵莽昧持擇冥心矜捷取求易思弋獲日乏
寶書寓陋挾兔園冊葩花稍剽盜丹蘄資塗澤吁
嗟潢汙水安望當潮汐顧君挺中吳神觀秀孤特
臣朔誦冊萬淮南讀三壁微言墜義研隱伏工發
擿實事求是懷咫尺聞埽屨績漆簡汲郡探亡篋河

東識四部肉貫弗百家心應鎬富真山淵苞纖或
蟲魚析本此爲文詞貫虹升玉色連狝出瓌製寶
氣戶庭塞羅絡東西京揮斥潘左格絳雲卷霄青
明霞爛域赤瞳疑小儒眼褫攝才士魄曠世茲雄
奇華崧峙噴崩方今儒多途華實異畛域樸學令
染翰方心手生棘浮夸與論古低首但塞默易觀
兩相笑楚失齊豈得庸知振奇人不假鴻溝畫大
師鄒魯儒壯采文章伯君也奄有之三才屬逢掖
蒼茫萬人海求對無前敵何怪詆訶多羣流被彈
擊我慙膚受學廿載攻篆刻亦思本原求苦爲貧

病迫力愁十舍退道尙兩塵隔傾折到一人糾繩
望三益鸞鳳不偶世干鎖善自惜終當入承明或
者賁蒲帛煌煌第嘉頌詩書足羽翼否亦奏陵雲
异代興嘆息千秋定文字流別重判白著錄七畧
間惟君庶靡忒

陳仲魚孝廉索賦經函詩率成廿韻

南宋併注疏越中出最早後則蜀有之沿革例了了
今均無見者欵式詎可曉唯建附釋音三山別離造
黃唐跋左傳其語足參考流傳爲十行一線獨綿藐
勝國在南雍修多元漸少遞變閩監毛每次加潦草

年來幾同人深欲白醜好謂此已僅存究遺乃當抱
寓公得陳髯志力兩天矯盡收十一種鷄跖食庶飽
閱時玉蘊櫝開處籤飛漂題咏徧名流善頌子孫保
阿誰負大力悉舉重黎棗海內家一編落葉將母掃
惜哉西湖局雅志敗羣小苦爭自癡絕未障狂瀾倒
眼前散雲煙隙裡馳腰裏撫函三歎息冉冉吾其老

次韻答夏孝廉詞仲

生平慕求志所得在樂饑備書免死計頗復擇因依
去累畧近遜保名仍愧蜚事業寓青簡經綸謝黃扉
良難週道廣祗易貴知希落落斷驅逐區區期指歸

任人混貧病審已辨癯肥之子投高詠殷勤代釋譏
深勵垂後躅過許儷前徽羈情梗兩泛衰景露一晞
久賤珉非玉唯虞珠尙璣不舍逝川嘆多迷岐路欵
願箴我膏肓凱佩君弦韋

旅窗坐雨屢辱澗蘋先生手筆相問時方疊
和頻伽外舅梅史明府見寄之作爰用其韻
果回奉贈願附千秋之名繆爲一辭之贊深自哂

夏寶晉

詞仲

炳燭以忘老煮字聊抹饑絕學獨有得豈肯輕附
依東吳一碩彥實茂聲不蜚棲棲此爲旅朱門媿

柴扉誘來道方廣傷往知愈希

時山翁下世

秋風起天

末扁舟殊未歸脩羊入饌瘦畦菜經霜肥古約友
朋歡晚榮兒女譏館閣化廐庫官階題旌徽俗學
果何益德潤終不晞立言抵粟帛唾棄猶珠璣悲
窮一何陋愚者相歔歔相從問奇字師事胡敢韋

次韻答郭頻伽

昔賢事乞食不諱驅者飢既分作孤雲遑問萬族依
郭子偶備才詞場聲早蜚多遊使君門夷視纔村扉
五餐每先饋悲患知交希奈何囊仍空難辦買山歸
相逢古蕪城各訝容減肥識予性背俗受譽慘若譏

近惟金公子脫畧去墨徽

近園

君家有玉潤

詞仲朝

陽髮共晞遂續河上歌筆舌翻珠璣人生貴自我獲
落安足歛倘得日擊存斯道無從韋

邗上遇澗蘋先生并示偕慈仲倡和之作用

和奉贈

郭麐

頻伽

世不生竹實坐令鳳苦飢區區粥雞翁妄意能因
依久甘困塌翼仰天看羣蜚豈能效燕雀連翩入
朱扉此志詎不信此願償者希平生游道廣誰爲
白首歸顧子我舊識瘦狂已勝肥詩書供賃顧邛
里隨褒譏同時有老彭異調諧軫徽

甘亭

眷言平

思適齋集卷二
九
生交半已朝露晞始悔不相貫散落如琲璣河上
必同病悲者多彙歆終當開門學搥折編絕韋

得子實書却寄

睽違歲再改欵洽俄如昨今晨尺素來驟使軻飢瘵
伊舍本腐儒心跡兩落拓猥蒙尊公賞駑蹇遭良樂
深幸翩翩子愛士所肯獲高齋屢文讌况乃費調度
弱植多飄搖見庇抵層幙感此三年間日拙未得酢
庭趨改期會江介連檣泊賤子迫懷歸行行遂分索
營魂去相送直渡陽侯惡荏苒居鄉邦魚鴈愁落莫
上念報知己何時暫忘諾所期在不朽鄭重難苟作

引領邵父謠絕業冀終託下憶疇曩意綿邈山川各
惟願繼淵源兼以光杼鄂睠茲西南風微衷一旁礪
立秋日集白公祠爲山尊學士作

商颺天際來乍却炎歊半園林帶祠宇遊賞足蕭散
詞伯坐上頭談塵拂清漢披襟二三子參差霏屑亂
適興忘歸遲新月墮遙岸鄙人病不斟逢樂發深歎
回薄大鈞中塊軋乃無畔窮達分洵限出處理亦貫
物變自浮雲奚取巧厯算惟惜良會難兼軫流光換
題戈小蓮紅袖添香夜讀書卷子廿六韻

我友儒之珍湛然室欲久好色向短宋避嫌今學柳

思適齋集卷二
唯彼靡曼捐爰此記藉狃篋中一卷秘循環絕纖手

時時讀半樹

齋名

金石聲貫牖夜分未肯休獨與長

檠守英名揚子宅萬古元虛友忽爲添香圖紅袖盈
前後旣非馬融侈亦異張禹鯁本事洵厚誣寓言豈
十九畫師苦結撰觀者窮誰某或乃目之笑我已色
爲愀想當誦風人勞心生擾受彼美不可思悵望憐
瓊玖又逢諷牢愁盛年槩無偶多女兼良媒歡愛誠
結紐不然塊幽居畫此其何有因思人間世遽甚朝
生榜敏給矜少壯昏眊痛衰醜拘攣割快意茫昧爭
不朽寂寂竟寡娛悠悠遂多負便從理義韉復脫世

故扭跌宕擁異書戲弄置小婦如佩護忘憂勝服散
益壽尙博達士賞寧惜腐儒哂更乞得少閒相從飲
醇酒

題匪石履二齋聯吟卷用其所分明月幾時有

五韻各賦一章

莫釐蘊奇秀實產東南英闐闐耽大隱寥廓翔焦明
著書十萬言身是解字平絕業在名山世慮那足嬰
生平數遊處對客號謇訥雅契二三子一一無凡骨
道心交琢磨藝事遞揚扞翹足卽千秋姓氏懸日月
言尋松江浦諧鬯更魄朏斯賢百里內聚偶我日豈

思通齋集卷二
况復老人占旁有流光煒試問天地間良會如此幾
伊予託心知宿昔同襟期年來類蓬轉離索動經時
空城今坐霖愁緒繁於絲潺潺大江流何以慰相思
昨日攬清鏡倏忽二毛有羣書漫所好腐敝誠爲負
望君羲皇上自笑牛馬走感興更懷人長吟一迴首

題江韜菴小像

釋立神不滅說與儒門殊江子夙信有翳我今憂無
有則輪回有化化萬古俱不亡乃善死豈藉七尺軀
有則因果有報應逮錙銖三命任難齊永息仰天呼
吾有取焉爾理然恐事誣江子但微笑釋豈謂是歟

將以求極樂淨土爲歸區流浪生死中可痛烏可娛
屢述最上乘覲用導我愚竭來示小像蓮花見跏趺
恍如得所證圓滿光明珠是時歲方晏我獨多煩紆
忽然心感之發論忘其麓成佛計洵善奈彼斯人徒
不若作閻羅况易願力圖天堂者忠枉地獄者奸諛
造化雖缺陷一手旋元樞諒唾神鬼道芹美何爲乎
在譏勢固異入主出斯奴在形勢自同縐面而華鬚
題詩恣胸臆下筆復躊躇年來卽年去曷肯留須臾
淡薄大可惜詰旦各饑驅

題貝簡香干墨龕圖廿韻

集古一千卷六一首拔幟倍之德父錄增華日以孳
既博亦既精鑒別罔羸厠踔哉貝君姿髮燥手乍試
少選得及數馱躡殊駛高居本澄研專室安位置
排比漢唐宋錯間銘頌誌豈曰侈家藏實俾佐腹笥
孰爲史所考孰則經可治味於味書餘一一嚙厥馘
鷄跖嗜靡饜胸具囊古思遐溯趙與歐風流欲遙嗣
伊子尠蓄此昔枉步入寺稍窺開成經外者多目眙
因念亭林老生無玩物志間關覓金石鄭重論文字
良知用深切何幸易相值便期從悉讀到庵按題識
下窮點畫微上究制作事遺記猶足徵斯役庶驅使

投壺夜飲圖廿四韻

小戴第四十投壺射之細古者因燕飲以講論才藝
斯禮至今存壹笑見遺製粵有賢主人奕葉猗蘭裔
樂賓備儀文終始唯罔替是時正當夜日盡而燭繼
堂中兩楹閒洞徹了無翳太晚則於庭常處難拘泥
順投人四矢左右黨更遞入乃釋一筭卒亦奇純計
賜灌及敬養詞意殊棣棣應陋顏黃門瑣徽誇近世
祇賞蓮花驍不知經記盪復古得自然如木循厥柢
曲禮正篇中精神遙與契一一付樵寫畫師身所諦
語我須題詩想像游其際往昔每共君會集說連襪

竭來多離居江山多遒遒雅歌竟靡暇日夕被掣曳
何年謝覓食清晝戶可閉重許讀此圖或未羣書做
乖異窮端原孰是資澤麗宜屬吉嘉賓更訂別錄例

題陳小雲香畹樓憶語

甲申

紫姬萬事足所少獨年壽正同優曇花不許見衰醜
昔者漆園論寓形無暫久殤彭理且齊百齡其何有
况乎得憶語傳誦在人口詎似泥蓮記踔越自不朽
題詩寄司馬可更酌卮酒魂今當歸來亦賞斯言否
爾雅博物資釋桐曰榮木良得春氣多非抱秋心獨

汪紫珊太守碧梧山館圖

癸酉三月作

君家綠淨園萬樹冬慘懔特選百尺陰爲做三間屋
主人愛坐此高柯爽心目初放露晨流黛色新如沐
起弄碧玉影還展鄉函讀雲林况不迂清閼遜清福
竭來栖鸞騫勢已凌風謾生矣高岡詩佳兆古人毓
遭際欣藹萋揚厯喜協服官齋試命種何似王猷竹
汪月樵小詩龕看菊分體廿韻

陶令遺世人好三詩酒菊風流成故事數雅若鼎足
於今惟汪君耽吟性所夙一龕孰云小淮海懸幟獨
愛花又類癖四時恒滿屋昨夜東籬霜佳色照人目
命彼灌園翁翦送十百束瓶罍錯落陳雲錦遜其溥

是宜良讌會我有朋儕速主人雖不飲待客官釀熟
侵晨冒雨集鼓勇去瑟縮亞枝欲妨帽列坐妙於促
看影姿更妍流連已燒燭分曹正飛觥髣髴聞絲竹
逸興兼華情栗里暫金谷如解千秋嘲特作高士福
伊予齒髮秋延年方未服倦遊霧中眼鞭弭勉追逐
當進怯拈韻和陶筆久禿祇記落英句痛飲爲君讀

採芝圖

先生無俗慮高隱簿書中偶托採芝興自然曾次同
療飢或未足延壽當何窮安得塵勞者令之問此風
庚午十月喜子絜子寔至卽送其回南昌作

索居門徑深蓬蒿四壁臥聽風蕭騷翩翩昆季來同
袍俄然使我心鬱陶方期徒步邀吾曹十日且飲江
鄉醪胡爲告去機輕刀會艱別易增煩勞噫嘻二子
今俊髦駢衛夙昔期駒駘他時指眄騰神臯絕塵豈
更容籠牢不佞連蹇首重搔傭書負米跋窳遭坐有
奇鬼居育膏憂讒畏譏安所逃待擠溝壑其誰號升
沉已定良不詔合并詎得將翔翺南江北江奔怒濤
山連常玉高復高望遠弗見心怵怵臨歧執手語嚙
畔中情淳滴難緘縮努力不朽追賢豪世間餘事俱

鴻毛

思適齋集卷二

首世六贈

七

復翁詩一首卅六韻

復翁復生書不死遠信初聞雜驚喜歸來見面爲我
泣益信於翁是知己翁言病中前後事卅日昏昏臥
牀第薄寒中人疑魁崇季咸奔走煩禱祀溫涼補瀉
錯投藥坐覺增劇乏良已瀕危者再再尤甚竟比焦
原託垂趾親戚相與興謗訕謂翁致此別有以虛空
有物曰造物其所深忌在書史滿家每詫希世珍一
一均堪顛跋使更蘇勿藥神助之此論紛紛罔少止
特勞然否就我訊據床走筆付雙鯉我問斯言細刊
度辨說蓋失其當矣死生有命語則云與書曷啻風

馬似前歲某甲委盛年一丁不識至癡怡昨歲某乙
化奄忽終身寧離菟園裏翁獨安穩出風波巨海崩
騰屹山峙苦翁者醫愈翁命唯翁自審徹終始况乎
翁之不合盡爲書功臣最足恃古人地下倘有靈慧
命攸寄宜降祉方今學子多鄙夫但向細縑求利市
卜兆從却僂句僭銛錡鑽破俗物李牛頭馬脯工借
題強韻那惜識者恥翁讀未見根性命消融名利同
渣滓須知超邁流俗外只此相歧十萬里抱殘守闕
碩果存殆可剝九一爰擬陽無絕本三聖義莫斷書
中真種子果爾黃鍾律乍調見天地心霍然起嗟我

宿昔發奢願快真抑僞思料理哀傷吾道多榛蕪誰
解懇闢施覃耜遂乃憂心愠羣小幾欲見殺累切齒
未填溝壑尙假年奚必河清壽難俟從來萬事命也
歟庸鬼庸人等妄耳作詩贈翁翁聽取曩我稱翁作
奇士今者弗死豈偶焉放佚羣編待統紀翁能傳書
書傳翁千秋不朽靡涯浹復哉復哉無恙耶肯任百
年駒隙駛

琴南大兄見寄七言一首久病未和今次韻奉

呈

閉關臥病少左顧人言耽書作計誤願長力短亦自

憐窮年不算海沙數新詩鄭重遠相聞當世君山幾
似君直教尙白元亭草一辭覆瓿附青雲

題小維摩詩稿

從來識字憂患始何況生身作女子無兒無年那可
堪有才有學徒爲耳著書未就豈蹉跎餘事詩篇剩
不多鑄金尙合偏呼佛劫火誰知又值魔畢竟文章
自有平千秋詎屑競朝榮更看一事強人意元晏先
生正阿兄

題千墨庵重摹七姬志石刻

七姬生未見將軍破敵榮七姬死且見將軍降敵恥

豈感將軍德豈畏將軍威
生值將軍不知已此時弗
死何爲哉吁嗟乎始憂七
姬無一死終恨七姬無一
生死生生死兩何有至今
但見一字一血成茲銘

思適齋集卷二終

元和顧千里澗蘋

思適齋集卷三

詩

蔣伯生入關圖

舊雨顏仍接前塵首屢回
深嗟荷戈去劇喜入關來
未礙雄談在何能壯志摧
歸耕宜輟計世事正需才
題天涯芳艸圖送行

三月蕪城下煙花事半過
春隨殘照暮愁向亂山多
况復天涯別其如芳草何
來朝猶碧色莫惜幾婆娑
爲王簣山觀察題畫

陽春昔有脚今又駐南天穀膏去隨車雨桑梯夙駕
田兒迎龍節下人避薦衣前定慰萌謠意重來早著
鞭

夏紫仲竹巷舊居圖

燕越依人日荆吳作客秋歌高方賃庶賦好但登樓
竹巷名猶古珠湖是最幽先人廬宛在君子澤長留
復始期堪必爲圖意定酬他年符息壤永代媿文游

題南陽諸葛廬圖

季漢真名士胡然在艸萊身方儕燕雀世若任雲雷
太息桓靈恨長吟管樂才景升庸不識孟德遠無猜

聞達心何繫驅馳志豈灰如龍終一臥牧府阿誰開

善士禮居祭書分賦得書字

歸家倏忽歲將除折簡頻邀共祭書君作主人真不
忝我稱同志幸非虛儀文底用矜能創故事還應永
率初更願齊刊刊舍奠每陪酌酒與羞疏

張古餘先生賦詩見寄依體敬酬時道光丁亥

六月之望

違離廿載忍朝飢蓬轉如流尙抱遺公獨能知希可
感世誰相和寡堪悲罷窺東閣原猶早容老西河但
未遲咫尺達函偏不易記教前困幾端著

思通齋集卷三
累人期不愧前賢齒髮頻移幸益堅大雅曷曾輕貸
粟微心今豈重求田留名好作千秋託食力終遭八
口牽身任經營兼寫定抵游五岳願他年

澗蘋先生寄所校刻諸古籍并文一首賦謝

張敦仁 古餘

文章體格自先民遂絕元明宋代人考證萬端歸
至是辭華一字必精純樓題與古曾求記禮校全
經讀未親何日金陵重聚首餘光時得問迷津
善本書多借校刊殷勤寄我當加餐滌洄帶水通
音易貧病衰年會面難獨學遠追三惠業精心近

比二王看

懷祖先生父子

孤高自有千秋計一笑何妨骨

相寒

成句

虎邱倉頡廟

倉聖新宮儼在茲好探文字肇開時功過沮誦難雙

廟禮並彭衙可別祠

彭衙即漢左馮翊衙皇覽云有冢延熹六年劉君立廟在今白

水縣史

四日神靈餘想象六書湮替幾維持問疑自

歎愚才竭肅拜筵前動遠思

辛未予校刊許氏說文頗多疑義久未勒成故

引叔重

自敘語

金陵懷古

六朝陳迹久茫茫開闢留京又夕陽南北幾經勞戰

思適齋集卷三
三
伐江山原不係興亡繁華誰記臨春樂憑弔都迷石
子岡剩有秦淮東去水自隨天墜下歸塘

方葆巖制軍青溪放棹圖

江山虎踞接龍眠當代英靈仰大賢家世傳經從束
髮勲名建節未華顛參籌舊勒窮邊石乞養新辭尺
五天昨日偶然傳放棹雅懷無異秀才年

快雪時晴消寒雅集分得九青韻卽呈月樵先

生正句

笑我凋年一客星衝寒猶自愛林垞久知去室虛生
白可待狂眸喜故青恰有如湯餐芍藥那無似玉唱

瓏玲詩翁苦說家禽癖好映簷光續曠經

錢唐屠孟昭太守同客邗江索贈

一榻頻煩兩拜恩頭銜漫土署來新名從逃後仍交
口書是焚餘自等身不詡事功禪色相未妨談笑病
精神笑蒙含筆才先盡難寫嶽嵒厯落人

小除日從故紙中得某人竹影詩七律一首次

韻戲作

離離春粉帶奇芬影落空庭尙出羣標格本無身掃
地性情唯有節凌雲可憐池水偏容我何物甘蕉也
蔽君但得閑人能獨賞天涯猶剩月三分

思適齋集卷三
四
為瞿木夫題水闌訪刻圖冊

摩挲三百舊虹梁宋刻元題歲月長圖志已嗟多闕
失湮蕪仍慮易銷忘滿城恣訪期都遍廿種兼收詫
獨詳况有同舟仙侶在倚舷相對讀琅琅

桃花庵觀荷分韻得五微

新荷昨夜綻紅衣霽雨朝來綠滿磯共許刺船尋佛
子旋教解佩對江妃禪移色去詩塵淡人在香中酒
力微不是城頭初月墮等閒談弄便忘歸

題江柅香新甫得碑圖次原韻

秦始遺碑天下少羨君獨得任城銘翁黃

謂覃溪小松

創

見心先折歐趙重生眼亦驚著錄平津能葉掃

金石萃編

載此孫淵如會校而正之

披圖新甫但雲橫墨林一把靈光臂剩

我橫增暴富情

予所收任城孫夫人碑闕額許分全通故云

有感

壬戌七月西湖作

無復移山一厝平阿膠原不俟河清飛時方慮輸鳶
敗刻處先期宋楮成醇酒易為千日醉豫章難變七
年生枚臯奏賦纔聞詔多謝張衡苦鍊京

重有感

壬戌九月西湖作

南華發塚枉生哈莫挽頽波是殉財曲禮頓教王式
去公羊頻告鄭詹來但存博士同門蔽况有高人割

席猜獨恨漆書私改日豎儒重燄祖龍灰

紉之以釋六舟所寄唐盧元輔天竺寺詩韻屬

次時枕上有感因走筆率成一首

當年不爲着袈裟曾遇靈山近釋迦寺訪遊詩忘坐
月崖逢題字趁看花龍蟠獨往仍爲客虎阜頻來又
返家何似青林分石榻可容老病臥雲霞

送瞿鏡濤

古泉館主出山初強仕春秋富有餘十五年期應再
展一官一集待懸車

廣文三絕畫書詩熟史明經君過之莫恨折腰爲吏

去看人向吏折腰時

笑我贅牙漫浪身倘推星命轉流頻相逢未卜當何
地只恐猪肝累故人

孫武私印爲淵如觀察作

己未

官中教戰事依然此印沈埋定幾年天與文孫重管

領猩紅鈐上十三篇

時方刊宋本孫子

爲有英威抵虎符土花蝕處肯模糊將軍破楚功多
日別鑄黃金斗大無

諦玩橫增弔古情樂安祖德最知兵短衣疋馬君何
事訪遍巫門大塚平

家載越絕書

題圓圓小像

破軍星降正縱橫誰向中原萬里城獨有蛾眉蒙賜
遣居然滅闖一奇兵

所嗟夫壻擅侯王天網他年稔惡亡紅粉成灰先老
漚陳娘終勝杜秋娘

自中王蓬心山水小幀爲楊補凡作

尺幅能留太守真烹茶細讀那嫌頻四王宗派今誰
在欲問煙雲老斲輪

矣惟侯青甫畫竹及秋海棠各題二十八字

無端妙手掃檀欒黛色參差玉幾竿恍似平山堂下

見有人翠袖倚天寒

浥露含風無限情淺紅深暈太盈盈秋花自較春風
艷不爲相思淚染成

題品梅圖

林閒莫讀文貞賦樹底休吟處士詩容我簪花參一
語生平清到畏人知

走札索魚鬆於月樵三兄承卽見惠率成廿八
字爲謝

西湖風味妙難名白粥徐嘗養病醒較似君卿脣舌
好不曾輕博五侯鯖

題吳餘山小梅花菴圖

丙子立春作

結菴勝地占清幽
樹石池亭幾閱秋
添得畫師詞客
住岳坊曹圃更風流

探春秉燭共天涯
董相祠邊興未賒
何似魏塘還鄧
尉與君各看故園花

題秦澹生太史棲碧詞

舊譜新詞寫碧羅
年年傳遍雪兒歌
阿誰取入叢談
續山抹微雲本事多

陽春屬和數心知
黃九偏難得並時
苦索賞音到狂
客文通善恨

謂子屏長康痴

題吳靜軒奚囊得句照

錦囊投句李昌谷
重嘔心疑此後身
我愛瓊川好詩
派拜袁揖趙又何人

陳小雲蕪城餞別圖

重到蕪城思曷任
傭書歲月累侵尋
送人隨例而今
可我本全無作郡心

松蔭讀書圖為洪銘之題

窗外松枯幾載餘
蔭留猶得鎮安居
不如人最無過
我馬背船脣讀父書

題張樂讌賓圖所畫為孫淵翁在畢秋帆幕中

事時淵翁沒已九年矣
關中白下兩前塵
圖畫風流見倍新
今日登樓唯一
哭了無人後更依人
毛叔美 慶善 以紅豆書樓圖屬篆冊首復系絕
句博粲 戊子立春日
忘菴沒骨一枝真付與
閨中什襲珍畫出高樓同讀
畫傲他惆悵卷還人

題袁君壽階味書圖小像

自經死矣山樞痛掃地
曾無長物餘不及生前圖像
好手中猶保一編書

贈木夫仙臺通寶錢一枚并綴以詩

杖頭數得渾奇事
自媿無才與釋文
送爾古泉山館
去附庸題跋張 去聲 吾軍

題敦翁梵寄圖

生世儒家自宿因
畫圖偶寄總非真
儘教淡薄偏能
住雪北香南只此人
甲乙丹青興不孤
博通三藏會殊塗
傍人錯認牟尼
串那識衣邊記事珠

輓趙大令北嵐

方期石墨共搜奇
豈謂微疴竟不支
從此棲霞秋草

路更誰來拓六朝碑

葛蓮青小照

幾載東西踏軟紅左神奇秀在胸中風流無復漁洋

老誰識能詩葛一龍

竭來偶爾寄閒雲小肆垂簾日未曛我亦平山堂下

住翛然獨立總輸君

屠伯洪囑題其大父疎村先生仿荆浩讀易圖

子子孫孫永保之珠於合浦乍還時

圖已為他人所得伯洪新購歸

之何須知盡纔能讀中有君家祖德詩

思適齋集卷三終

讀寶苑一林筆錄以詩

